

欽定大清會典圖


欽定大清會典圖卷一百九十六


輿地五十八

德安府圖

黃州府圖

德安府圖





德安府在省治西北三百二十五里至

京師二千四百八十里。領州一縣四。治安陸。東南
雲夢。西南應城。東北應山。西北隨州。涓水出隨
州西南大洪山北麓。北流至穿洞。西源出雙門
洞。來會。右納魁峯山水。西北流。石水自娥皇洞
經雙河店。汎合澗水。暖水東流注之。又東北經
環潭鎮。折東南流。右納支水。藥山水。又東。澧水
亦曰泝恭河。出州北鷄鳴山。合聖水。馬吼嶺水
南流注之。又東。經安居店。左納朱家河。又東至
均河口。均水自大洪山東北流。合牛角尖水分。

水嶺水靈泉山水嚴家河水東北流注之。又東南流受潑水。水自州北固城山經合河司南流。右納石板河。左納顏家河。又南右納七尖峯水土門水。倒峽流水。又東南劉家河自分水嶺合風子河為江家河。西南流注之。經厲山鎮東瓦撮河。即泥河。自赤樸嶺東南流注之。經州治西為浮纓河。注湏水。湏水經隨城山北。又東會漂水。水即賜水。出州東北螺螄山。西南流。樓子河合忤水。閘水南流注之。又南潒水自應城縣分水嶺。合劉家河。甌蓬山水。祖師頂水。西南流注。

之。又南經鮑家鋪注湏水。湏水折南流。浪水自州南大猿山合。三河水東北流注之。又東南長安河即守溪水自應山縣西南流注之。又東右納七里沖水。經應山縣馬平港鎮左納馬平港水。折南流左納洞庭山水。右納隨州紫石鋪水。又南陳家河自花山經龍泉鎮合泥河祖師沖水至雙河寺合。漿溪河為徐家河西南流注之。又南左納白竹港水。右納閻家河即任家河水。又東南清水河自隨州合安陸縣李家河落月嶺水東流注之。又南經府治北左納三陂港水。

泝水槎山水。又經府治西。右納灌水。吳家河水。至史河口。歧為二。正渠曰老河。東南流。經雲夢縣西北。貨囊港。即應山縣鉢孟港。水南流。注之。又經縣治西。至白河口。東出為縣河。即洛陽河。鄭家河。會安陸縣女兒港。水南流。注之。又東南。匯漢陽府孝感縣之陡岡埠。水為李家湖。又南。右通東陽湖。白水湖。又東入孝感縣界。正渠自白河口南流。會西支。西支自史河口西南流。至兩河口。受漳水。水自隨州西南。大洪山之東。泉興寺。合二小水。東南流。錯入安陸府京山縣界。


合隨州之袁家河及府治西北之蜜峯砦水。復經府治西左納沙子河柳林河袁家河水。又東南注涓水西支。西支經雲夢縣西至土門鋪與正渠合。又東南東出為小龍河。匯於白水湖。又東南流經應城縣長江埠司東。又東南入漢陽府漢川縣界。其東通東臺西臺諸湖。湖在雲夢縣東南與北湖並東北流入孝感縣界。富水出隨州大洪山南錯入安陸府京山縣界。復經應城縣西北田家集納一小水。至縣治西曰西河。又東南左納省港水。又東南左合梁湖水。南流


岐為二。東支匯於金盆湖。西支匯於三臺湖。三臺湖在應城縣西南。其北曰賽湖。納毛家河。石子河水。其西曰白羊湖。納京山縣來之五龍河水。金盆湖在應城縣東南。其東曰草湖。又東曰東湖。並南接漢陽府漢川縣界。淮水自河南南陽府桐柏縣南流。經隨州東北。淮河店折東。九渡水合龍潭水北流注之。又東北經下河口北。右納太乙山水。又東南經銅錢坡北入河南汝甯府信陽州界。潯水別源出應山縣營盤山。合一小水東南流為周家河。左納寶林寺水。黃茅

嶺水又東南為劉家河。不磯港水自黑石山合
秦家河十三里河東流注之。又為孫家河。又東
南為左家河。廣水河即木匠河。自縣東北東南
流。合黃沙河大堰河牛心山水李家河亂石河
京橋港細河諸水西南流來會。又南入孝感縣
界。界河出應山縣北境。經花山西合數小水北
流入河南汝甯府信陽州界。小河出縣北高貴
山。經平靖關南西北流。亦入信陽州界。注於淮
水。澧水出隨州西北石門洞。西流入襄陽府東
陽縣界。解家河出州西北。北流入桐柏縣界。仙

河水出州東北太乙山合西南來一小水東入
信陽州界義水出州東北五水山合游水鼓臺
山水紫金山水郭家砦水東北流亦入信陽州
界夫子港在應山縣東南入孝感縣界府東至
南界漢陽府西及西北界安陸府北界河南南
陽府東北界河南汝甯府西北界襄陽府

黃州府圖





黃州府在省治東北一百八十里至

京師三千二百六十里。領州一縣七。治黃岡。東蘄水。東南蘄州。濟黃梅。東北羅田。麻城。西北黃安。大江自漢陽府黃陂縣緣界東流。經府治西北。其南岸為武昌府江夏縣界。又東北武湖匯黃陂縣境諸水南流注之。又南流左納紫泊湖水。經陽邏司西。又南左受樟松湖水。又東其南為武昌縣界。又東分流有洲二。曰羅霍洲。曰鴨蛋洲。其北支繞州北東南流。舉水會倒水南流注之。舉水四源。一曰小界嶺水。一曰上馬河。一曰

閭家河。一曰汝陰河。小界嶺河出麻城縣東北。
小界嶺合雙關廟河西南流經虎頭司。右納下。
廟版水。左納張店河滴水。碧水西南流至縣北。
雷打石。上馬河自縣西北五應山合諸水及黃。
石水。東南來會為白塔河。曲南流經治北。右納。
七星橋水。經治東又南。右納道觀山水。又西南。
閭家河即成家河。自縣東北石門山合張關石。
河響水潭林家沖河鳳坡山水李家河水西南。
流來會。又曲西南經汝陰市西。汝陰河為舉水。
南源。自縣東南合八疊山水鹽田河水麻溪河。

西北流來會。舉水又西流。浮橋河自縣西北分水嶺合林家山水南流注之。又西南經鸞籠司東松溪河自縣西北夕陽寺山合葉方河熊家河南流注之。又南經府治北尖洲頭。支津西南出匯於白湖。正渠又南至新洲北左納三店水。又南至姚二渡歧為三。南流復合。又南左納草場湖水。又東南會倒水。倒水即西歸水。自河南光州光山縣西南流入界。經黃安縣北為西界河。右納顏店河。又南至雙河口。袁英河自雙山壘西南流。曰箭廠河。合閔家河。黃石砦水西南

流來會。又經縣治西南流。金場河合五里橋水。東南流注之。陡埠河自竹葉犬合二水西南流注之。又南左納項家河。又南魚目港上承潏水分流合余通河東南流注之。又南經中和司西。又南右納四里鋪水。又經府治西北支津東南出為陶家河。匯於張渡湖。正渠南流洪溪溝。潏為米篩湖南流注之。又南右納陶樹湖。又南潏為張渡湖。湖在府治西北。其西為樟松鵞頸諸湖北為毛湖。為白湖。又東南出與舉水會。舉水又東折南注於江。大江繞洲南流經府治西。左

通諸湖水。又東經治東南巴河口。受長河。河上流為龍潭河。出府治東北團腦。合張家河。段家河。土流河。沙河。山廟河。陳家河。西南流。至治北。潞為草場湖。本子河上。承姜家河。易家河。打石河南流。亦潞焉。孔子河。夏家河。西流。亦潞焉。又南為詹大湖。為黃家湖。東南出為長河。何家湖。匯盧家河。諸水西南流。注之。又東南鷄子湖。匯白洋山水。西南流。注之。右出支津。經團風。司南。注於江。長河又東南。左出支津。會趙家潭水。東南流。匯於赤野湖。長河又南。經路口鎮。西匯於古

渡湖。湖在府治東。其東為赤野湖。南為後湖。東
南為魚兒湖。又自湖東南出。注於江。巴水出羅
田縣東北。三省脛。西南流至多雲司。左納九資
河。黃石河。經獨尊山南。又西。右納獨株河。至夾
河。舊市受東義洲河。河出縣北。西南流至滕家
市。龍潭河合八兒河。西北流注之。又西南。木穰
河上承麻城縣北洗馬河。長嶺關水。喻家河來
注之。又南注巴河。巴河南流。左納柳林河。經縣
西至尤河。舊受尤河。河一曰長河。亦出縣東北
石柱山。合槽河。西南流。右納祝家店水。左納湯

河橫河折西流左納北峯河。又西南經縣治南左納一水。又西南左納朱家河。又西北右納石源河。又西注巴河。巴河又西南右納五桂河。左納倒流河。又南小河上承龍門河高家河西北流注之。又西牛車河合二小水東南流注之。又西南左納一小湖右納朱大夫河。又經西陽河市南右通赤野湖。左納一小湖。又南至巴河口注於江。大江又東南經蘄水縣西有洲曰戴家洲。連湖望天湖蔡家湖魯家湖。匯縣西清水港諸水南流注之。又東經金沙灘受浣水。水自安

徽英山縣西南流入界。經羅田縣東南合其縣之樂利河。又西南右納王家河水。至蘄水縣東北雞兒河合朱楊河西北流注之。又西南沈家河二源合南流注之。又曲西南經蔡家河市北右納柴家河左納倒流河。又經關口南右納二小水。經縣治東沙魚河二源合西流注之。又西南左納六泥港右納易家河。又南至雙港口。馬橋港水合四眼橋水西流注之。又西南至金沙灘左出支津匯於圻湖。正渠西流注於江。大江又東南經蘄州東北。茅山湖圻湖水南流注之。

又東南經州治西北掛口受蘄水。水出州東北
四流山。南流左納棠林河。倒橋河。西南流至大
同司。右納六溪河。經巴茅街。又西南白水畝水
合。數小水西流注之。又西過青石市。左納童子
河。右納白茅河。至蓮花庵市。左納響水河。右納
劉公河。又西蘄陽坪河合。小河諸水南流注之。
又西過西河汛。泥河自蘄水縣東南南流注之。
又自五里壩分二支。西曰長港。東曰白家河。長
港西南流白池湖。上承泥河水。西流折南注之。
又西南合灘兆河水。匯於赤西湖及長海。白家

河自五里壩西南流經治東北相見灣官沙河
自廣濟縣合諸水匯為白家袁家赤東洪塘諸
湖又西北出來會白家河又西北長港自赤西
湖南流來會又西南至掛口注於江大江又東
南經廣濟縣西南折東至龍坪司南有江家洲
又東南經黃梅縣西南支津左出復合東流錯
入江西九江府德化縣界又東復經縣東南又
東仍入德化縣界武山湖在廣濟縣南西港匯
江北諸小水西流折北潞為黃泥湖又東北
來會馬梅川出廣濟縣北橫岡山西南流合二

小水與周篤橋水小河諸水並南來匯焉。又自湖東南出為株林長港。復豬為連城湖。又豬為塍塘湖。又東北匯於太白湖。湖在縣東南。接黃梅縣西南境。團山河亦出縣東北。合荊竹水南流。歧為二。並南流。及燕樓水匯焉。湖東北為長安湖。四祖河出黃梅縣西北。南流匯焉。湖之東為楊柳湖。大河出縣西北。白雲洞合諸小水。南流分支匯焉。自湖而東南出者為稻場湖。為七里湖。東北出為大港。至黃連港會西河。河上流為摧港。自楊柳湖東北出。天河合楊樹橋水東。

南流注之。又東為西河與大港會。大港又東會縣河。河上流為小溪河。出縣西北老祖山。東南流經縣治東。折西南為縣河。沙河渠水並南流注之。泥河出縣東北古角山。合龍坪河悠悠河西南流注之。又南與大港會。又東南匯於張家湖。湖匯縣東南諸水。其東為感湖。為風湖。為桶湖。為沈家湖。為張池湖。其北為陳池湖。為太源湖。為涉湖。東接安徽安慶府宿松縣界。府東界安徽安慶府。西至南界武昌府。北界河南信陽州。東北界安徽六安州。河南光州。東南界江西

九江府。西北界漢陽府。


欽定大清會典圖卷一百九十七


輿地五十九

荊州府圖

宜昌府圖

荊州府圖





荊州府在省治西八百里。至

京師三千三百八十里。領縣七。治江陵西松滋枝江。西北宜都。西南公安。東南石首監利。大江自宜昌府東湖縣東南流入界。經宜都縣西北荆門山東。又東南經縣治北受清江。江即夷水。自宜昌府長陽縣東流入界。經縣西北左納白碧鋪水。又東折南富金溪自東湖縣來東南流注之。南流折東。漢洋河自宜昌府長樂縣來合劉家村水。石羊河水銀家溪水東北流注之。又東至清江口注於江。大江經縣治北。又東折南經

枝江縣治北。芭芒河即白水港溪自縣西南合宜都縣之車灣河東北流注之。又東南經松滋縣西折東北。瑪腦河上承荊門州當陽縣三汭河南來合雅石溪為滄茫溪東南流注之。又東北歧為二派。經百里洲北者為內江。東北流右納董市河。經江口司南折東南流會外江。經洲南者為外江。東南流受石溪河。河出縣西南棲雲山。東南流經輒橋市西北右出支津注泥水。正渠折東北流合小南海。經磨盤司東鄒老湖諸水自其東注之。又北竺園河自天阮嶺東北

流合馬峪溪東流注之。又北流右納天鵝湖水。注外江。外江又東。張伯湖合楊林湖。自其東注之。又東折而北。與內江會。又東南經下百里洲。受沮水支津。又東經江陵縣澆市驛北。又東支津南出。經公安縣北。為土橋港。南流。流水出松滋縣東北。山西流折東。合偏沙河。雲臺山水。木天河。匯為癸巳湖。東南流注之。又南匯為大扁湖。又南流會於虎渡河。大江又東流至虎渡口。司別出為虎渡河。南流至公安縣東北。到口。左分一支曰薦子溪。東流左通蛾子港。折南流為

吳達河。合白花港水。又南。東合西河。分支。又西南入湖南澧州安鄉縣界。虎渡河自剏口西南流。經公安縣治東北。左出支津。為白花港水。又西南。右受大扁湖水。又南。經縣東南。歧為二。並南流。淤泥湖。自其東注之。陳家湖。上承泥水。支津及石子河水。自其西北注之。右通牛浪湖水。又南。合流。復分。並入澧州界。大江又東。經府治南。受沮水。水自荊門州當陽縣合鍾家港。碧子河。柳港水。南流入界。經府治西北。東南流。注於江。其支津。西流。亦注於江。大江又東。流至沙市。

司折東南至公安縣東北古油口。又南至斛湖隄。南出為蛾子港。右通薦子溪。又東南瀦為陸遜湖。西流注吳達河。大江又東南經江陵縣東南有洲曰白沙洲。曰沅陵洲。至石首縣北東出為菱茨港。即車湖港。大江折西南有洲曰天心洲。至藕池口南出支津曰南河。曰西河。南河及其支津南流入湖南岳州府華容縣界。西河南流入澧州安鄉縣界。其分支西會薦子溪。大江自藕池口東流左納蝦子溝水。又東折北繞沙于嶺北。又南至調絃口。右出支津曰焦山河。合

彭田港水西南流入華容縣界。大江折北左納劉家溝水。又東北經烏宿洲北折南經監利縣西。又東經縣南緣界東南流至上車灣折西南至尺八口塘。又東其南為岳州府巴陵縣界。又東南至荊河腦南受洞庭湖水。東北流經白螺司南。又東北入漢陽府沔陽州界。長夏河上流為大暉港。自江陵縣西北南流折東。分流夾縣治。復合東南流至沙市司南出為沙市河。折北匯為藕塘湖。又西北為海子湖北納楊水。港水東為馬子湖。為太白湖。為瓦湖北接安陸府潛


江縣長湖。又東南出為了角廟河。經了角司南流至王坡口。象湖自太師淵匯五種湖。鼓湖及城河水東北流來會。又東南匯為三湖。胡家橋水北流注之。湖之北為塞子湖。管家河上承潛江縣三汊河水南流注之。至徐家鋪南東出為長夏河。宋家河上承西荆河水西南流注之。又南右納鐔長則河。又東南匯為白鷺湖。西荆河自潛江縣來東南流匯為返灣湖。又南出為公河。為黃家橋港並南注白鷺湖。長夏河復自湖東南出經監利縣西北古井口。東出支津曰東。

港。正渠曲東南受車湖港。港上流為菱茨港。首受大江水東流經石首縣北。南出為蝦子溝。為劉家溝。右納孟蘭淵水。東北流注長夏河。長夏河又東南右納大馬市河。又東為習家河。右通白澼湖水。又東至汭河口。東港合羅塘河。分鹽河水來會。又東至子貝淵。南出支津注於後河。口。又東至小沙口。入漢陽府沔陽州界。東荆河自潛江縣南流入界。為直路河。經江陵縣東。至監利縣北老新口。右出支津。為羅塘河。合荻港水注東港。又東南左出。為沙長河。又東南經華

容故城東右出支津。復歧為二。一為分鹽河。注東港。一為龍潭河。東入沔陽州界。正渠又曲東經北口市。亦入沔陽州界。聶家河在監利縣南。亦北流入沔陽州界。府東及東北界安陸府。西北界宜昌府。南及西南界湖南澧州。北界荊門州。東南界漢陽府及湖南岳州府。

宜昌府圖

[illegible]



宜昌府在省治西一千八十里。至

京師三千五百四十里。領州二縣五。治東湖。西南長陽長樂鶴峯州。西北歸州興山巴東。大江自四川夔州府巫山縣東南流入界。經巴東縣西萬流驛南。左納鯢魚溪青溪水。右納萬石河。又東為西瀼口。三壩河亦曰淡子溪出縣北界山南流合元渡河羅坪河平陽河注之。又東左納下古坪水東瀼溪水。經縣治北。又東南經巴山驛南。又東經歸州西石門鋪南受沙鎮溪水。水上游曰思陽河亦曰何家水。出巴東縣南石井

岩。北流經香子嶺東合五木溝水。至州西南昇平河出天寶山。屈北流經小龍城鄉西。亦曰紅巖河來會。又北注於江。大江又東經州治西。叱灘汎南。桑頭河出州西北。仙女山東南流經將軍山西。注之。又經州治南。東南流右納窰灣溪水。至新灘南受香溪。溪二源。西源曰白沙河出興山縣西北。老君山東南流合李兒溝水。磨河水曰當陽河。又東南合潮水。河龍門河珍珠河曰三堆河。又東合人字河。蘿蔔河糖坊溝水與東源會。東源曰深渡水。出興山縣北鳳凰井。西

南流合晏家河蘇家河竹園河諸水曰馬家河。又南合三溪河寒溪水。至縣治西南與白沙河會。又南流左納小里溪右納大里溪紙坊河竹溪水。又南水磨河上承門家河南流亦曰孔子河。又曰高嵐河合夏陽河注之。又南至州東北譚家鋪東新灘汎西注於江。大江又東南左納龍馬溪右納九畹溪南林溪水。又東南經府治西北左納白水溪坦坪溪淨江溪水。又東羅佃河上承孫家河古城河南流注之。又東至南沱司左納南沱溪。折而南右納石牌溪水。又東右

納松門溪左納大洪溪水。又東左納長橋溪水。折南至府治北受黃柏河。河出府治北竈斷山。南流石納蕭家河。折而東錯入荆門州遠安縣界。復經縣北左納淪繳溪。牌樓河石板溝對馬山水。又南夏家河亦曰懷蕩河合霧渡河符家河小峯溪來會。又南左納五槐溪鄔家河沙河注於江。大江經府治西。又東南姜詩溪一曰車溪。出縣西南東都岩東流合三澗溪及數小水注之。又東南右納五龍溪水。又東南臨江溪合法官泉水石橋河視潭河西南流注之。又東南

經荆門山東右納仙人溪左納磨盤溪水。又東南經虎牙山西入荊州府宜都縣界。清江自施南府建始縣合野三河東流入界。經巴東縣西南左納班良河馬房溪水。又東迤北至桃符口。長潭河上承建始縣茶寮河水東北流至金雞口合威盈河折北合龍窠河注之。又東左納龍潭溪故縣溪水。又經長陽縣西招徠河。一曰葉家河上承縣北界山之鄭家河咸池河青碧溝水南流注之。又東右納四楊溪沙河左納小峯埡水。又東受縣河。河出長樂縣西南關門山合

二小水北流。長茅河合尤溪來。會為天池河。屈東北流。注清江。清江又東。右納碓窠溪。左納楊木溪。珣溪水。芮溪合成五溪。曰重溪。北流注之。又東。左納馬連溪。右納長楊溪。經州衙坪南。又東。左納沿頭溪。右納莊溪。平樂河。又東。經縣治西南。丹水出縣西北百里。荒合大麻河。木坂溪。為津洋溪。東流折南注之。又東。右納花橋水。馬家溪。左納白石溪水。又東。入荊州府宜都縣界。淩水出鶴峯州西北。東南流。合巴子山澗水。乾溪坪水。經州治東。清水涓水出州東北。牛鹿頭

山合二小水西南流伏流復出注之。折西南經州治南。三岔口水合小乾溪東南流注之。復東南奇峯關水青龍山水同長灣水龍潭坪水並自州西伏流復出注之。又東南經黑龍洞南。南渡江出長樂縣西南合橫岡水黑沙溪深溪河黃土坡刀槍河諸水西南伏流復出來注之。又東南經剛平河南。水流溪上承上陽河下陽河水南流注之。又東南經山羊隘塘南至江口市受大典河。河出州東北南流為後溪。迤西南至大典河口白果坪溪合。所坪溪花牆溪井子坪

溪水南流注之。又西南枯樹塔溪合千金坪楸木坑官倉坪諸溪水南流注之。又西南右納芭蕉河至江市口注淩水。淩水又東南入湖南澧州慈利縣界。白溪河出長樂縣南。合黃陽山水屈南流入澧州石門縣界。為漂水。漢洋河出長樂縣東。合菜白溪西流。洞河水伏東流。復出注之。又至漁洋關。汎右納唐家河。折而北。右納一小水。入荊州府宜都縣界。府東界荊門州。西界施南府。南及東南界荊州府。北界鄖陽府。西南界湖南永順府。澧州東北界襄陽府。西北界四

川夔州府


欽定大清會典圖卷一百九十八


輿地六十

施南府圖

荊門州圖

施南府圖





施南府在省治西南一千九百八十里至

京師三千七百八十六里。領縣六。治恩施。南宣恩。來鳳。西利川。西南咸豐。東北建始。清江即夷水。出利川縣西北山。西北流。折東北為大跳敦河。又東經插旗山。南伏流。至齊嶽山。東麓復出。又東至縣東北。小河溝水出縣西南龍泉山。合龍洞溝水。東流。折北注之。又東北至落水洞。又伏流。至觀彩峽。南復出。東為雪照河。右納黃連溪水。又東至府治西北流料溪。東南流注之。又東。右納天鵝塘水。又經府治北。帶水河上承龍馬。

溪灣潭河水南流注之。折東南經府治東左納
沙河。又南右納麒麟溪。巴公溪。又東右納大水
溝水。又東紙房溪出縣南香花嶺。西流合九道
溝水。折而北注之。又東為長沙河。受忠建河。河
出咸豐縣西朝陽山。東北流經宣恩縣南。左納
貢水。又東流至花栗堡南。新司河上承長潭河
洪家河水。西北流注之。折而北。右納冷水河。又
北注清江。清江又東受馬水河。河出建始縣東
北大碧嶺。南流為蒲潭溪。折西南。右納桐木溪
木瓜河。至縣東南。廣潤河出縣西北鳳尾觀南。

合交養河支養河東流注之。又東南經恩施縣東北。東洛河亦出建始縣東西南伏流復出合七渡溪注之。又西大沙河出建始縣西石乳關東南流為太陽河合茨竹溝水注之。又南右納響板溪熊家砦水注清江。清江又東經東遼邨塘北。又東經建始縣東南戰場壩北左納一水。又東右納五家河水。又東野三河出縣北龍潭坪為支津河。又南合羊茅河注之。入巴東縣界。酉水一曰白水河。出宣恩縣東南將軍山西南流經忠洞汛北左納太白溪水。又西南經高羅


汎東高羅河合李溪南流注之東南流經忠建里西又西流李家河上承穿箭河冉大河水南流注之又南經來鳳縣治東又南折西南岸為湖南永順府龍山縣界客砦水合老鴉關水東南流注之又西折南經紅砦鋪右納紅砦河又南至峽口老虎灘河合彬溪羅三溪水東南流注之又南右納紡車溪漫水河又西南至香爐砦西伏流至卯洞司東復出右納安撫司場水又西南怯道河出縣西南仁育關合一水東流注之又南經智勇關東入龍山縣界龍潭河出

利川縣西南乾溪山東南流經紅椿溝場西又東南經黑洞卡東至咸豐縣北瑪瑙河出利川縣東南東南流經府治西南合箭桿堡水折西南來注之又西南右納清水塘水至舊龍潭土司西左納一小水又西南經縣治西唐碧河合馬河中塘水東南流注之又西南天成橋水出縣西南平陽里合分水嶺水西北伏流復出注之又西小南海水合蛇盤溪東南流注之又南入四川酉陽州黔江縣界龍背河出利川縣西建南鎮東南流左納大沙溪小谷溪水至忠路

汛南左納孫家泉水南河水右納後江沙溪水
又南經咸豐縣西北活龍坪汛西左納余水洞
水至石牙關東亦入黔江縣界府東及東北界
宜昌府西至北界四川夔州府南及東南界湖
南永順府西南界四川酉陽州及石柱廳

荊門州圖

[illegible]



荊門州在省治西北六百二十五里至

京師三千二百九十里領縣二西遠安西南當陽
漢水自安陸府鍾祥縣南流經州東南界鄧家
湖匯王子港水東北流注之折而東經內方山
北南流東岸為安陸府京山縣界小江湖匯夾
港水東南流注之又南經沙洋鎮東又南折東
入京山縣界沮水自襄陽府南漳縣東南流入
界經遠安縣西北撞兒溝合一水東北流注之
又東南左納五里河右納瀘溪水又南左納紅
碧溪右納滾子溪又曲東南經黃泥岡右納青

砦水又南鹿溪水出縣西汪家砦合數小水經兩河口東流注之至縣治北左納九子溪又南石洋河自宜昌府東湖縣東來注之又東南龍洞河亦自東湖縣東來合二小水注之又東南經當陽縣西北左納大觀山水又南磨坪河出縣西北山南流為羣河合大陽沖馬甲砦諸水西南流注之又東南右納青溪乾溪鄔家河丹鳳河左納立溪港水經縣北又東南右納三里港紅砦河又東南經古麥城西至兩河口會漳水水自安陸府鍾祥縣東南流入界經縣北合

小漳河又東南左納兩河口水又南右納白石
港水又南為朱家河清溪河冷水港水西南流
注之至清溪河汎烏雞港水三源合東南流注
之又南苦竹溪合蘇家溝皮家河諸水東流注
之又南左納州西南之脚東港水又南楊樹港
水出縣東合一水西南流注之又南至河洛司
西與沮水會沮水又南左納鍾家港水又南至
臺家渡君子河出縣南明月山合鴨兒溪方家
河諸水東南流注之又東南左納柳港水又南
分流入荊州府枝江縣及江陵縣界建水一曰

大漕河出州南虎牙關西南流左納孟子港右
納石板河水折而東經建陽驛曰建陽河經十
迴橋鎮又南至港口匯於長洲湖在州東南匯
伍家河左西磨石橋水及直江水南通江陵縣
之太白湖復自湖東南流出治荆河腦北會馬
仙港水水出州東南貢家山合穀田白石諸港
水南流彭家湖上承傅家河水與借糧湖並東
南流注之至三汊口支津東南出為三汊河入
潛江縣界正渠又南為西荆河至荆河腦與長
湖會南流入潛江縣界樂鄉河自南漳縣東流

入界。經州西北竹瓦洞北神居塘南。又東錯入鍾祥縣境。復經州西北常家坪。又東復錯入鍾祥縣境。復入界。經石橋司石橋河上。承鍾祥縣之象河水東流注之。又東入鍾祥縣界樂鄉關。水自宜城縣來東南流出界注之。太平街水自南漳縣東流入界。經包嶺南。又東北右納殷家隄水。折而北入襄陽府宜城縣界。注黑河。黃柏河自宜昌府東湖縣東流入界。左納黃堡河。折南流。右納申帥溪。桃玉河。魚鱗溪。左納泉水河。諸水仍入東湖縣界。沙河出當陽縣西。曰泉河。

合白水河周家河南流入荊州府宜都縣界竹
陂河楊樹港在州境並東入鍾祥縣界州東及
東南界安陸府西界宜昌府南及西南界荊州
府北及西北界襄陽府